



Nuuk ulloq 16. juuli 2025

Aalisarnermut Piniarnermullu Naalakkersuisoqarfik

Mailikkuinnaq ukununga nassiunneqarpoq: APN@nanoq.gl aamma cc: jepa@nanoq.gl, thra@nanoq.gl

Tusarniaanermut akissuteqaat – Kalaallit Nunaata Kitaani il.il. sumiiffiit raajarniarfiusut killilersorneqarnerisa allannguutaat pillugit Namminersorlutik Oqartussat nalunaarutissaannut siunnersuut

Niisa Trawl ApS aamma Sikuaq Trawl A/S sinnerlugit Kalaallit Nunaata Kitaani il.il. sumiiffiit raajarniarfiusut killilersorneqarnerisa allannguutaat pillugit Namminersorlutik Oqartussat nalunaarutissaannut siunnersuutip tusarniutigeqarneranut akissuteqaat matumuuna nassiupparput.

§ 1-imi allassimasut naapertorlugit angallatit angisuut atorlugit aalisarfiusinnaasut annertusineqarput siusinnerusukkit nalunaarummi atorunnaartumi 2002-meersumi 'Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaat' allassimagaluartut.

§ 1. imm 1-imi aalajangersakkami sumiiffimmi 61°00'N-imiit 65°00'N-imut aalisartoqarsinnaanerani killilersuineq piffissap 1. novembarimiit 31. marsip tungaanut avataatigut immikkut akuersissuteqartoqartillugu aalisarsinnaanermut atammat siunnersuutigissavarput, aalisarsinnaanerup piffissaligaanera siunnersuummiit peerneqassasoq. Taama siunnersuuteqarpugut piffissaliineq tunngavissaqarsorinnginnatsigu aammalu pinngitsoorumagatsigit kingusinnerusukkat immikkut akuersissuteqarlutik aalisalerniartut.

§ 2-mi Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaata § 5-iani imm. 2-mi allassimasut naapertorlugit allannguutissamut ima oqaasertaliisoqarpoq "Ingerlataqartup angallatini taarsissappagu imaluunniit ulluni tulleriiginnarni 120-ni akuersissut angallamut atassusersimanngippagu akuersissut atorunnaassaaq."

Isumaqarpugut akuersissutaatinik allanik aalisarnermut ullunut 120-nut killiliineq illuatungeriinnut tamanut naammaginarloq, tassami piffissaliineq taamaattoq attartortitsilluni isumaqatigiissutit nalinginnaasut sivilussusilerneqartarnerannut naapertuummat. Taamaattorli uku marluk erseqqissaavigittikusuppavut:

1. Tr. Svend C akuersissutit allat atorlugit ullut 120-t sinnernagit piffissani arlariinni aalisarsinnaassava, piffissat assigiinngitsut akornanni nammineq akuersissutaatini atorlugit aalisartassaguni?
2. Tr. Svend C-p Diskokarsimi aalisarnissamut akuersissutaatini attatiinnarsinnaavaa, akuersissutaatit allat atorlugit aalisarnermi saniatigut?

Aalisarnermut Piniarnermullu Naalakkersuisoqarfiup apeqqutit taakku akuersaarsinnaappagit uagut tungitsinniit siunnersuummut oqaaseqaateqaqqissanngilagut.

Inussiarnersumik

Carl Christensen
Carl Christensen, Pisortaq